

Ki kalté kann ?

Kann Bièk ki ka mété'w djèk

Kann Diwi ki ka fè fanm plézi

Kann Kouli ki anmen bon lapli

Kann Dikana Dikanno ba Ana

Kann Sikdoj ki ni siwo siyé goj

Kann Bawyolé ki ni gou riyolé

Kann Pay koupé a la batay pay

Kann Bigtana ki koulè chokola

Kann Malavwa sé li lé wadéwa

Kann Wozo ka pousé wo-wo-wo

Kann Lilmoris ki sé an vwé délis

Kann Gwonèli sé pou lé jenn tifi

Kann Diven émé paw tou lé sen

Kann Kwibich papa pliché ba yich

Kann Béach èk fèy filé kon wach

Kann Péwoti ki bon kon poul woti

Kann Pété-djol pliché apwé lékol

Kann Blé ka fè'w wouè lanmizè blé

Kann Chokola pou lé bon yich papa

Kann Kwéyol ki ka wann lé fanm fol

Kann Wibané pou sisé tout lajouné

Kann Bikana tann kon an zannanna

Kann Boljounou pou lé bèl ti-doudou

Kann Katsendisèt ki ka fè'w gwaté tèt

Kann Zabitan pou moun ki ni bon dan

Kann Wosignôl dou èk ki mol-mol-mol

Kann Chivwèt wézèwvé pou gwan lafèt

Kann Bélandjièt ki bon pou fanm entjièt

Kann Pen-épi-lèt gou pen twanpé an lèt

Kann Mafwamé épi pikan pwason awmé

DMBerté 100313